



IZVJEŠTAJ

O FINANSIJSKOJ REVIZIJI AGENCIJE ZA STATISTIKU BOSNE I HERCEGOVINE ZA 2010. GODINU

Broj: 01-02-08-16-1-282 /11

Sarajevo, mart 2011. godine



SADRŽAJ

I	MIŠLJENJE REVIZORA.....	3
II	NALAZI I PREPORUKE	5
1.	Uvod.....	5
2.	Postupanje po ranijim preporukama.....	5
3.	Sistem internih kontrola	6
4.	Budžet.....	6
5.	Finansijski izvještaji.....	7
6.	Pregled rashoda budžeta	8
6.1.	Tekući izdaci	8
6.2.	Kapitalni izdaci	9
7.	Bilans stanja.....	10
8.	Javne nabavke	10
9.	Prihodi.....	10
10.	Donacije	10
11.	Korespondencija	11
III	PRILOG	12
	FINANSIJSKI IZVJEŠTAJI I IZJAVA O ODGOVORNOSTIMA	12
	Izjava o odgovornostima rukovodstva	
	Pregled rashoda budžeta za 2010. godinu	
	Bilans stanja na dan 31.12.2010. godine	

I MIŠLJENJE REVIZORA

Uvod

Izvršili smo reviziju finansijskih izvještaja i usklađenosti poslovanja sa odgovarajućim zakonima i propisima za godinu koja se završava 31. decembra 2010. godine u **Agenciji za statistiku Bosne i Hercegovine** (u daljem tekstu: Agencija).

Odgovornost rukovodstva

Rukovodstvo Agencije je odgovorno za pripremu i fer prezentaciju finansijskih izvještaja u skladu sa prihvaćenim okvirom finansijskog izvještavanja, tj. Zakonom o finansiranju institucija BiH, Pravilnikom o finansijskom izvještavanju institucija BiH i Pravilnikom o računovodstvu budžeta institucija BiH. Ova odgovornost uključuje i kreiranje, primjenu i održavanje internih kontrola koje su relevantne za pripremu i prezentaciju finansijskih izvještaja koji ne sadrže značajne pogrešne iskaze usljed prijevare ili greške.

Pored odgovornosti za pripremu i prezentaciju finansijskih izvještaja, rukovodstvo Agencije je također odgovorno da osigura da su finansijske transakcije i informacije koje su prikazane u finansijskim izvještajima usklađene sa odgovarajućim zakonima.

Odgovornost revizora

Naša je odgovornost da izrazimo mišljenje o finansijskim izvještajima na osnovu revizije. Reviziju smo izvršili u skladu sa Zakonom o reviziji institucija Bosne i Hercegovine (Službeni glasnik BiH, broj 12/06) i Međunarodnim standardima vrhovnih revizionih institucija (ISSAI). Ovi standardi zahtijevaju da postupamo u skladu sa etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijski izvještaji ne sadrže značajne pogrešne iskaze. Revizija uključuje obavljanje postupaka u cilju pribavljanja revizionih dokaza o iznosima i objavama u finansijskim izvještajima. Izbor postupka je zasnovan na prosuđivanju revizora, uključujući procjenu rizika značajnog pogrešnog prikazivanja u finansijskim izvještajima usljed prijevare ili greške. Prilikom procjene rizika revizor razmatra interne kontrole koje su relevantne za pripremu i fer prezentaciju finansijskih izvještaja u cilju osmišljavanja revizionih postupaka koji su odgovarajući u datim okolnostima, ali ne u svrhu izražavanja mišljenja o efikasnosti internih kontrola. Revizija također ocjenjuje finansijsko upravljanje, funkciju interne revizije i sistem internih kontrola.

Pored odgovornosti za izražavanje mišljenja o finansijskim izvještajima, naša odgovornost je izražavanje mišljenja o tome da li su finansijske transakcije i informacije koje su prikazane u finansijskim izvještajima, po svim bitnim pitanjima, usklađene sa odgovarajućim zakonima. Ova odgovornost uključuje obavljanje procedura kako bi dobili revizione dokaze o tome da li se sredstva koriste za odgovarajuće namjene koje su određene zakonom. Ove procedure uključuju procjenu rizika od značajnih neslaganja sa zakonima.

Vjerujemo da su pribavljeni revizioni dokazi dovoljni i odgovarajući i da osiguravaju osnovu za naše mišljenje.



Mišljenje

Prema našem mišljenju, finansijski izvještaji Agencije prikazuju fer i istinito, po svim bitnim pitanjima, stanje imovine i obaveza na 31. decembra 2010. godine i rezultate poslovanja i izvršenja budžeta za godinu koja se završila na navedeni datum u skladu sa prihvaćenim okvirom finansijskog izvještavanja.

Finansijske transakcije i informacije prikazane u finansijskim izvještajima bile su u svim značajnim aspektima usklađene sa odgovarajućim zakonima i propisima.

Sarajevo, 04.03.2011. godine

Zamjenik generalnog revizora

Božana Trninić

Generalni revizor

Milenko Šego

II NALAZI I PREPORUKE

1. Uvod

Agencija je osnovana u skladu sa Zakonom o statistici Bosne i Hercegovine (Službeni glasnik BiH, broj: 26/04 i 42/04). Agencija ima status pravnog lica sa sjedištem u Sarajevu i ima ekspozituru u Brčko distriktu BiH. Agencija je tijelo nadležno za obradu, distribuciju i utvrđivanje statističkih podataka Bosne i Hercegovine. Ovlaštenja Agencije su sljedeća:

- međunarodno predstavljanje i saradnja s organizacijama i ostalim tijelima,
- uspostavljanje i održavanje kontakata s donatorima i predlaganje raspodjele donacija,
- utvrđivanje statističkih standarda,
- utvrđivanje standarda koji se primjenjuju u statističkim aktivnostima državnih tijela,
- prikupljanje, obrađivanje i distribucija statističkih podataka BiH,
- zahtijevanje od entitetskih zavoda da osiguraju podatke na nivou pojedinačnih statističkih jedinica,
- distribucija statističkih podataka BiH svim korisnicima,
- podsticanje saradnje između entitetskih zavoda i osiguranje redovne razmjene podataka,
- koordinacija, planiranje, vođenje i objavljivanje rezultata popisa stanovništva i domaćinstava BiH,
- praćenje primjene i korištenja usvojenih standarda i izvještavanje o stepenu poštivanja standarda u godišnjem izvještaju Agencije.

Zakonom o statistici BiH osnovano je i Vijeće za statistiku koje, po službenoj dužnosti, sačinjavaju direktor Agencije i njegovi zamjenici, direktori entitetskih zavoda za statistiku, rukovodilac Ekspoziture Brčko, guverner Centralne banke BiH i ministar finansija i trezora BiH. Vijeće za statistiku također sačinjavaju tri člana iz reda davaoca i korisnika podataka koji su priznati radnici u područjima statistike, ekonomskih nauka, odnosno biznisa. Ova tri člana imenuje Vijeće ministara BiH. Vijeće daje preporuke Agenciji u vezi s nacrtom programa i plana rada i daje mišljenja o istim, prati rad Agencije i daje preporuke Vijeću ministara BiH o sredstvima koja su Agenciji neophodna za ispunjavanje zadataka iz plana rada i programa te pomaže saradnju između nadležnih organa u cilju postizanja najvišeg mogućeg kvaliteta statistike koji zadovoljava potrebe korisnika na svim nivoima.

Odgovorne osobe Agencije su direktor i dva zamjenika direktora koje je Agencija za državnu službu BiH imenovala 18.11.2009. godine na period od četiri godine.

2. Postupanje po ranijim preporukama

Ured za reviziju institucija BiH izvršio je finansijsku reviziju za 2009. godinu u Agenciji i izrazio pozitivno mišljenje na finansijske izvještaje Agencije i zakonitost poslovanja. S tim u vezi, Agenciji nisu date preporuke u izvještaju o reviziji za 2009. godinu.

3. Sistem internih kontrola ¹

Sistem internih kontrola u Agenciji funkcioniše na zadovoljavajućem nivou. Agencija je donijela Pravilnik o internoj kontroli i reviziji i procedure za primjenu navedenog pravilnika. Također, Agencija je donijela veći broj pravila kojima su regulisana određena područja potrošnje i u kojima su definisani nivoi ovlaštenja i odgovornosti rukovodstva i osoblja Agencije.

4. Budžet

- Planiranje i izvršenje budžeta

Zakonom o budžetu institucija BiH i međunarodnih obaveza BiH za 2010. godinu² Agenciji je odobren budžet u iznosu od 4.458.000 KM, od čega se na tekuće izdatke odnosi 4.433.000 KM, a na kapitalne izdatke 25.000 KM. Agenciji je budžetom za 2009. godinu odobren iznos od 1.000.000 KM kao višegodišnji kapitalni projekt *Popis stanovništva, domaćinstava i stanova*. U 2009. godini je za popis utrošeno 64.762 KM, a u 2010. godinu je preneseno 935.236 KM neutrošenih sredstava namijenjenih za popis, tako da su ukupno odobrena sredstva Agenciji za 2010. godinu iznosila 5.393.236 KM. Iz višegodišnjeg kapitalnog projekta *Popis stanovništva, domaćinstava i stanova* u 2010. godini je utrošeno svega 5.218 KM, a ostatak će se prenijeti u 2011. godinu. Zahtjev za budžet je sačinjen na osnovu 74 postojeća zaposlenika i planiranih 20 novozaposlenih u 2010. godini. Agencija je 31.12.2010. godine imala 94 zaposlenika.

Ukupno izvršenje budžeta Agencije za 2010. godinu iznosi 3.846.516 KM ili 71% u odnosu na raspoloživi budžet. Ukupno izvršenje bez sredstava višegodišnjih kapitalnih izdataka iznosi 86%. **Struktura odobrenog i izvršenog budžeta po vrsti rashoda prikazana je u Tabeli I – Pregled rashoda iz budžeta za 2010. godinu datoj u prilogu Izvještaja.**

Manje realizovani budžet uglavnom je uzrokovan nerealizovanim kapitalnim ulaganjima namijenjenih popisu stanovništva u iznosu od 935.304 KM (iznos prenesenih sredstava iz 2009. godine). Sredstva nisu realizovana zbog neusvajanja Zakona o popisu stanovništva, domaćinstava i stanova. Neusvajanje pomenutog Zakona također je uzrokovalo manje izvršenje na ostalim pozicijama čije je izvršenje direktno vezano za popis stanovništva (putni troškovi, ugovorene usluge i dr.). Također, manje realizovani budžet nastao je i zbog pomjeranja aktivnosti u vezi Pilot popisa i ankete HBS za narednu godinu.

Iako smo se uvjerali da je manji procent izvršenja budžeta uzrokovan faktorima koji su izvan kontrole Agencije, ipak sugerišemo da se unaprijedi proces planiranja budžeta na način da se izvrši detaljna analiza procesa planiranja te utvrde razlozi niskog stepena realizacije pojedinih pozicija.

¹ Sistem internih kontrola je jedinstven proces kojeg uvodi rukovodstvo i zaposleni institucije, a osmišljen je za pružanje razumnog uvjerenja da se u izvršavanju misije institucije postižu sljedeći opći ciljevi: efikasne poslovne operacije, pouzdano finansijsko izvještavanje, usklađenost poslovanja sa zakonima i propisima i zaštita imovine.

² Službeni glasnik BiH, broj 103/09

Agencija je tokom 2010. godine izvršila jednu promjenu strukture rashoda u ukupnom iznosu 445.000 KM. Umanjene su pozicije bruto plaća i naknada (100.000 KM), naknada troškova zaposlenih (100.000 KM), putnih troškova (192.000 KM) i ugovorenih i drugih posebnih usluga (53.000 KM), a uvećane su pozicije izdataka za tekuće održavanje (53.000 KM) i nabavke opreme (392.000 KM). Promjenu strukture je odobrilo Ministarstvo finansija i trezora BiH, a u obrazloženju zahtjeva za prestrukturisanje je navedeno kako je uzrok promjene strukture kašnjenje usvajanja Zakona o popisu stanovništva, domaćinstava i stanova.

- **Planirani i realizovani programski zadaci**

Plan rada Agencije za 2010. godinu pripremljen je na osnovu Zakona o statistici BiH, Statističkog programa Bosne i Hercegovine za period 2009.-2012., Srednjoročne razvojne strategije BiH, Strategije integracije BiH u Evropsku uniju, Compendium-a statističkih i drugih regulativa i preporuka EU-a i UN-a. Vijeće ministara je isti usvojilo na sjednici održanoj 10.06.2010. godine.

Izveštaj o radu Agencije za 2010. godinu dostavljeno je na razmatranje Vijeću ministara BiH, koje danom završetka revizije nije bilo usvojeno. Najznačajnije aktivnosti Agencije u 2010. godini bazirale su se na četverogodišnjem Statističkom programu za period 2009.-2012. godine i Planu rada za 2010. godinu. Prioritetni zadaci u 2010. godini bili su:

- dalja izgradnja i modernizacija statističkog sistema BiH;
- rad na harmonizaciji BiH statističke legislative s EU legislativom;
- obuka zaposlenih u statističkim institucijama;
- jačanje saradnje s proizvođačima, davaocima i korisnicima podataka;
- rad na harmonizovanju postojećih i donošenje novih metodologija, klasifikacija i standarda i objavljivanje istih kao nacionalnih standarda;
- podrška korisnicima podataka publikovanjem statističkih saopćenja, biltena i metodoloških dokumenata;
- implementacija *acquis communautaire* u području poslovnih i društvenih statistika i proizvodnja uporedivih i kvalitetnih statističkih podataka na nivou BiH;
- provođenje anketa.

Glavni problem u radu Agencije, pored problema koje je prouzrokovalo neusvajanje Zakona o popisu stanovništva, domaćinstava i stanova, predstavlja primjena Zakona o statistici BiH i različitost u tumačenju pojedinih odredbi pomenutog Zakona. U cilju daljeg harmonizovanja statističke legislative Bosne i Hercegovine s Evropskom unijom, Agencija je pripremila Prijedlog izmjena Zakona o statistici BiH koji će se u toku 2011. godine uputiti u parlamentarnu proceduru. Nadalje, prisutan je i problem po pitanju osiguranja traženih podataka vezanih za podatke neophodne za statistiku vanjske trgovine, tj. nedostavljanje podataka s jedinstvenim identifikacionim brojem kompanija od strane Uprave za indirektno oporezivanje BiH.

5. Finansijski izvještaji

Agencija je, u skladu sa Pravilnikom o finansijskom izvještavanju institucija BiH (Službeni glasnik BiH, broj 33/07), sačinila godišnji finansijski izvještaj za 2010. godinu

koji sadrži bilans stanja, pregled rashoda budžeta po ekonomskim kategorijama, posebne podatke o plaćama i broju zaposlenih, pregled dinamike zapošljavanja, pregled stalnih sredstava u obliku stvari i prava i pregled kapitalnih ulaganja po vrstama, projektima i opremi. Također, sastavni dio godišnjeg finansijskog izvještaja čini i obrazloženje uz izvještaj o izvršenju budžeta koje je sastavljeno u tekstualnom obliku.

Godišnji finansijski izvještaj predat je 24.02.2011. godine Ministarstvu finansija i trezora BiH.

6. Pregled rashoda budžeta

6.1. Tekući izdaci

- **Bruto plaće**

Ukupno ostvarene bruto plaće i naknade plaća iznose 2.344.605 KM. Prosječan broj zaposlenih (na neodređeno i određeno vrijeme) u Agenciji u toku godine iznosio je 86.

Ukupan iznos stimulacija isplaćenih u toku godine bio je 33.403 KM u neto iznosu, a u skladu sa internim Pravilnikom o kriterijima i postupku za isplatu novčane nagrade i podzakonskim aktom.

- **Naknade troškova zaposlenih**

Naknade troškova zaposlenih ostvarene tokom 2010. godine iznose 298.506 KM. Najznačajnije naknade odnose se na naknadu za topli obrok tokom rada (144.305 KM), naknadu za prijevoz na posao i prijevoz s posla (61.887 KM) i regres za godišnji odmor (53.909 KM).

- **Putni troškovi**

Ukupno ostvareni putni troškovi u 2010. iznose 95.821 KM. Od toga su ostvareni izdaci putnih troškova u zemlji 25.422 KM i putnih troškova u inostranstvu 70.399 KM.

Službena putovanja u zemlji pretežno su vezana za ankete o popisu koju vrše anketari, zatim razne seminare i kurseve, a putovanja u inostranstvo odnose se na prisustvovanje konferencijama i forumima u skladu sa predviđenim planom aktivnosti.

- **Izdaci telefonskih i poštanskih usluga**

Ostvareni izdaci telefonskih i poštanskih usluga u 2010. godini iznosili su 66.168 KM. Najznačajniji troškovi odnose se na izdatke za fiksne telefone (29.800 KM), izdatke za mobilne telefone (11.304 KM) i izdatke za internet (16.040 KM).

Pravo na korištenje službenih mobilnih telefona koristi 15 zaposlenih. Prosječna isplaćena naknada za ove namjene na mjesečnom nivou iznosi 934 KM, odnosno

11.208 godišnje. Odobrena ograničenja troškova za mobilne telefone kreću se u rasponu od 50 KM za vozača do 400 KM za direktora.

- **Izdaci za usluge prijevoza i goriva i tekućeg održavanja**

Agencija raspolaže voznim parkom od 5 vozila. Četiri vozila su na korištenju u sjedištu institucije, a jedno vozilo služi za potrebe izvršenja poslova iz nadležnosti organizacione jedinice Ekspoziture Brčko. Ukupni izdaci za vozila iskazani su u iznosu od 22.634 KM. Značajniji dio troškova odnosi se na izdatke za gorivo (11.332 KM) i troškove održavanje vozila (7.354 KM).

Izdaci za tekuće održavanje ostvareni su u ukupnom iznosu od 150.420 KM. Najznačajniji troškovi odnose se na održavanje zgrade (111.150 KM), a koji su realizovani na osnovu obavljanja poslova sanacije poslovnih prostorija i popravke liftova.

- **Ugovorene usluge**

Izdaci za ugovorene usluge ostvareni su u iznosu od 123.080 KM. Značajniji dio troškova odnosi se na ugovore o djelu (35.519 KM) i usluge štampanja (40.253 KM). Agencija je na osnovu zaključenih ugovora o djelu izvršila plaćanje usluga anketara koji su angažovani za obavljanje ankete o radnoj snazi na području Brčko distrikta BiH. Obračun naknade za anketare se vrši po podnošenju izvještaja, a u skladu sa jasno definisanim pravilima.

Troškovi štampanja su vezani za osnovnu djelatnost institucije, s obzirom da je jedan od zadataka Agencije prikupljanje i distribucija statističkih pokazatelja na državnom nivou.

Također, Agencija je vršila isplatu naknada za članove Vijeća za statistiku Bosne i Hercegovine iz reda davaoca i korisnika podataka, a koje imenuje Vijeće ministara BiH. Ukupan iznos naknade po toj osnovi iznosi 7.200 KM za dva člana, odnosno 3.600 KM po članu. Instrukcijom direktora Agencije, nije vršena isplata naknade za trećeg člana jer isti nije prisustvovao niti jednoj sjednici Vijeća.

6.2. Kapitalni izdaci

Odobreni kapitalni izdaci po budžetu za 2010. godinu iznosili su 25.000 KM. Prestrukturisanjem sredstava tokom godine i prijenosom sredstava iz prethodne godine promijenjena je struktura kapitalnih ulaganja, odnosno uvećana je na iznos od 1.352.237 KM. Ukupni kapitalni izdaci ostvareni tokom 2010. godine iznosili su 418.487 KM. Značajniji dio troškova odnosi se na nabavku kompjuterske opreme (184.901 KM) i nabavku softvera (157.987 KM). Nabavka opreme odobrena je i izvršena u cilju podizanja kvaliteta postojeće infrastrukture, a kako bi se osigurali uslovi za buduće integrisanje sistema za popis stanovništva.

7. Bilans stanja

Ukupna aktiva Agencije je 889.952 KM, a odnosi se na kratkoročna potraživanja (359 KM) i neotpisanu vrijednost stalnih sredstava (889.593 KM). Ukupna pasiva iznosi 1.603.260 KM, a čine je kratkoročne tekuće obaveze prema pravnim licima (471.778 KM), kratkoročne obaveze prema fizičkim licima (3.064 KM), obaveze prema zaposlenima za plaće (119.450 KM), obaveze za naknade plaća (13.898 KM), porezi i doprinosi iz plaća (78.462 KM), obaveze prema dobavljačima (27.015 KM) i izvori državnih sredstava (889.593 KM).

8. Javne nabavke

Agencija je u skladu sa odobrenim budžetom sačinila plan tekućih i kapitalnih nabavki. U mjesecu oktobru izvršeno je prestrukturisanje sredstava na poziciju kapitalnih ulaganja, odnosno ista su povećana za 392.000 KM. Agencija je u skladu sa dopunom plana nabavki krajem godine pokrenula procedure za veći broj postupaka izbora najpovoljnijeg dobavljača. Analizom provedenih postupaka uočeno je da je najčešće korišten konkurentski postupak slanje poziva za dostavljanje ponuda na tri adrese, bez dodatnog objavljivanja (građevinski radovi – vrijednost zaključenog ugovora 79.168 KM, aplikacija za ručni unos podataka – vrijednost ugovora 48.700 KM, servisiranje liftova – vrijednost ugovora 21.300 KM). Nadalje, revizijom provedenih postupaka nabavki uočili smo kako u pojedinim ugovorima nisu precizno definisani uslovi plaćanja.

Mišljenja smo kako institucija treba, u cilju veće transparentnosti i konkurentnosti, izbjegavati ovakve postupke te prednost dati konkurentskom postupku s dodatnom objavom. Time bi se ujedno i smanjio rizik od nezadovoljavanja zakonom propisanog minimalnog broja prispjelih validnih ponuda potrebnih za izbor najpovoljnijeg dobavljača i zaključenje ugovora.

Također, preporučujemo Agenciji da, u situacijama kada je ograničena vremenom za realizaciju ugovora, odnosno isporuku robe ili usluge, posebnu pažnju posveti preciznom definisanju načina plaćanja kroz odredbe ugovora.

9. Prihodi

Agencija je u 2010. godini ukupno ostvarila 103.797 KM prihoda. Od tog iznosa, 100.000 KM se odnosi na uplatu Vlade Brčko distrikta BIH na osnovu Sporazuma o preuzimanju poslova, opreme, finansijskih sredstava i zaposlenih Biroa za statistiku Brčko distrikta od 22.12.2005. godine. Na prihod od prodaje stalnih sredstava se odnosi 1.567 KM, a na prihode od prodaje biltena i statističkih usluga iznos od 2.230 KM.

10. Donacije

Agencija je tokom 2010. godine nastavila realizaciju projekata: *Anketa o potrošnji domaćinstva - HBS, Ažuriranje glavnog uzorka domaćinstva, CARDS 2005 Twinning project, Pilot prošireni HBS, SIDA projekti i Ostale donacije.* U skladu sa



memorandumima potpisanim s donatorima, Agencija je imala obavezu prijenosa novčanih sredstava i opreme nižim nivoima vlasti, odnosno Federalnom zavodu za statistiku i Republičkom zavodu za statistiku Republike Srpske.

Agencija je u 2010. godini raspolagala sa 433.604 KM sredstava od donacija. Od ovog iznosa, na prenesena neutrošena sredstva iz 2009. godine odnosi se 251.368 KM. Realizacija troškova po projektima vršena je u skladu sa zahtjevima donatora. Značajniji dio troškova odnosi se na ugovorene usluge – angažovanje anketara, putne troškove i troškove štampanja. Neutrošena sredstva u vrijednosti od 141.451 KM prenesena su u 2011. godinu.

11. Korespondencija

Agencija nije u ostavljenom roku dostavila komentare na Nacrt izvještaja o reviziji za 2010. godinu, tako da ovaj Izvještaj predstavlja konačan izvještaj bez korekcija u odnosu na Nacrt izvještaja o reviziji za 2010. godinu.

Vođa tima za finansijsku reviziju

Danijel Jozić, viši revizor

U reviziji učestvovali:

Nataša Pavlović, revizor

Osman Paćuka, revizor

Rukovodilac Odjela za finansijsku reviziju

Munevera Baftić, viši revizor



III PRILOG

FINANSIJSKI IZVJEŠTAJI I IZJAVA O ODGOVORNOSTIMA



URED ZA REVIZIJU INSTITUCIJA BiH
КАНЦЕЛАРИЈА ЗА РЕВИЗИЈУ ИНСТИТУЦИЈА БИХ
AUDIT OFFICE OF THE INSTITUTIONS OF BOSNIA AND HERZEGOVINA



H.Čemerlića 2, 71000 Sarajevo, Tel: ++ 387 (0) 33 70 35 73, Fax: 70 35 65 - www.revizija.gov.ba, e-mail: saibih@bih.net.ba

Izjava o odgovornostima rukovodstva

Međunarodni standard vrhovnih revizionih institucija (ISSAI 1580) predviđa da revizor treba da dobije odgovarajuću izjavu od rukovodstva institucije kao dokaz da rukovodstvo priznaje svoju odgovornost za objektivno prikazivanje finansijskih izvještaja saglasno mjerodavnom okviru finansijskog izvještavanja, te da je odobrilo finansijske izvještaje.

Rukovodstvo **Agencije za statistiku Bosne i Hercegovine** (u daljem tekstu: Agencija) dužno je da osigura da finansijski izvještaji za 2010. godinu budu izrađeni u skladu sa Zakonom o finansiranju institucija BiH (Službeni glasnik BiH, broj 33/07) i Pravilniku o računovodstvu budžeta institucija BiH (Protokol Ministarstva broj 01-St4-16-1810/05 od 30.05.2005. godine). Rukovodstvo je također obavezno da postupa u skladu sa Zakonom o budžetu institucija BiH i međunarodnih obaveza BiH za 2010. godinu (Službeni glasnik BiH, broj 103/09) i pratećim uputstvima, objašnjenjima i smjernicama koje donosi Ministarstvo finansija i trezora BiH, kao i ostalim zakonima u Bosni i Hercegovini, tako da finansijski izvještaji daju fer i istinit prikaz finansijskog stanja i rezultate poslovanja Agencije.

Pri sastavljanju takvih finansijskih izvještaja odgovornosti rukovodstva obuhvataju garancije:

- da je osmišljen i da se primjenjuje i održava sistem internih kontrola koji je relevantan za pripremu i fer prezentaciju finansijskih izvještaja;
- da finansijski izvještaji ne sadrže materijalno značajne pogrešne iskaze;
- da finansijski izvještaji sadrže sve relevantne podatke i analize izvršenja budžeta, kao i podatke o sistemu internih kontrola i realizaciji preporuka revizije.
- da se u poslovanju primjenjuju važeći zakonski i drugi relevantni propisi;

Rukovodstvo je također odgovorno za čuvanje imovine i resursa od gubitaka, pa stoga i za preduzimanje odgovarajućih mjera da bi se spriječile i otkrile pronevjere i ostale nezakonitosti.

Datum: _____

Direktor:

Zdenko Milinović

Pregled rashoda iz budžeta za 2010. godinu

Naziv institucije: Agencija za statistiku BiH

Tabela I

Opis	Odobreni budžet	Usklađivanja budžeta	Ukupni budžet (2+3)	Izvršenje budžeta	Index 5/4
1	2	3	4	5	6
1. Tekući izdaci	4.433.000	-392.000	4.041.000	3.428.029	85
Bruto plaće i naknade	2.680.000	-100.000	2.580.000	2.344.605	91
Naknade troškova zaposlenih	414.000	-100.000	314.000	298.506	95
Putni troškovi	325.000	-192.000	133.000	95.822	72
Izdaci telefonskih i pošt.usluga	91.000		91.000	66.168	73
Izdaci za energiju i kom. usluge	66.000		66.000	45.697	69
Nabavka materijala	122.000		122.000	89.780	74
Izdaci za usl. prijevoza i goriva	26.000		26.000	20.293	78
Unajmljivanje imovine i opreme	200.000		200.000	191.763	96
Izdaci za tekuće održavanje	111.000	53.000	164.000	150.420	92
Izdaci za osiguranje	7.000		7.000	1.895	27
Ugovorene usluge i druge usluge	391.000	-53.000	338.000	123.080	36

2. Kapitalni izdaci	25.000	1.327.236	1.352.236	418.487	31
Nabavka zemljišta					
Nabavka građevina					
Nabavka opreme	25.000	1.327.236	1.352.236	418.487	31
Nabavka ostalih stalnih sreds.					
Rekonstrukcija i inves.održ.					

3. Tekući grantovi	0	0	0	0	

I. Ukupno (1+2+3)	4.458.000	935.237	5.393.236	3.846.516	71
II. Prosječan broj zaposlenih					

4. Novčane donacije			433.604	292.153	67
Anketa o potrošnji domaćinstava - HBS			10.551	8.989	85
Anketa prošireni HBS			175.853	110.762	63
CARDS 2005			41.917	38.434	92
Ostale donacije			83.833	30.781	37
Ažuriranje glavnog uzorka domaćinstva			97.450	89.712	92
SIDA projekti			24.000	13.476	56

Rukovodstvo je odobrilo ove izvještaje dana 28.02.2011. godine.

Direktor:

Zdenko Milinović

Bilans stanja na dan 31.12.2010. godine

Naziv institucije: Agencija za statistiku BiH

Tabela II

Opis	31.12.2009	31.12.2010.	Index 3/2
1	2	3	4
1. Gotovina, krat. potraživanja, razgraničenja i zalihe	4.348	359	8
Novčana sredstva			
Kratkoročna potraživanja	4.348	359	8
Kratkoročni plasmani			
Interni finansijski odnosi			
Zalihe			
Kratkoročna razgraničenja			
2. Stalna sredstva	571.424	889.593	156
Stalna sredstva	1.111.560	1.460.486	131
Ispravka vrijednosti	540.136	570.893	106
Neotpisana vrijednost stalnih sredstava	571.424	889.593	156
Dugoročni plasmani			
Dugoročna razgraničenja			
UKUPNO AKTIVA (1+2)	575.772	889.952	155

3. Kratkoročne obaveze i razgraničenja	491.002	713.667	145
Kratkoročne tekuće obaveze	293.314	474.842	162
Kratkoročni krediti i zajmovi			
Obaveze prema zaposlenima	197.689	238.825	121
Interni finansijski odnosi			
Kratkoročna razgraničenja			
4. Dugoročne obaveze i razgraničenja	0	0	
Dugoročni krediti i zajmovi			
Ostale dugoročne obaveze			
Dugoročna razgraničenja			
5. Izvori sredstava	571.424	889.593	156
Izvori sredstava	571.424	889.593	156
Ostali izvori sredstava			
Neraspoređeni višak prihoda/rashoda			

UKUPNO PASIVA (3+4+5)	1.062.427	1.603.260	151
------------------------------	------------------	------------------	------------

Napomena: Pravilnikom o finansijskom izvještavanju institucija Bosne i Hercegovine, čl.8. stav 4., napomenuto je da bilans stanja budžetskih korisnika **neće biti uravnotežen** (aktiva jednaka pasivi) zbog programski uspostavljenog sistema Glavne knjige, dok će bilans stanja koji radi Ministarstvo finansija i trezora na nivou Budžeta institucija Bosne i Hercegovine za tekuću godinu biti uravnotežen.

Rukovodstvo je ove izvještaje odobrilo dana 28.02.2011. godine

Direktor:

Zdenko Milinović